



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-324-4/23**
Datum: **20.12.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Plantrans dijabaz“ d.o.o. Banovići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa – kamenoloma „Ribnica“, općina Banovići, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Plantrans dijabaz“ d.o.o. Banovići daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa – kamenoloma „Ribnica“, općina Banovići, na zemljištu označenom kao k.c. broj: 697 i 689 K.O. Željova.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se onečišćene vode sa radno-manipulativnih površina i vode sa platoa za tankovanje goriva, pranje i servisiranje mehanizacije nesmetano sakupljaju i odvede do objekata predviđenih za tretman tehnoloških otpadnih voda (separator ulja i masti, betonski taložnici), a zatim ovako tretirane vode preko monitoring okna ispuštaju u definisani recipijent – Veliku Ribnicu.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

- 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.10. Da se istrošena ulja, nauljene krpe i sav opasan otpad koji će nastati na prostoru kamenoloma „Ribnica“ redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Plantrans dijabaz“ d.o.o. Banovići obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa – kamenoloma „Ribnica“, općina Banovići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Aktuelni izvod iz sudskog registra izdat od strane Općinskog suda u Tuzli 5.05.2022. godine - ovjerena kopija,
- Uvjerjenje o registraciji/ upisu u Jedinstveni registar obveznika indirektnih poreza izdato od strane Uprave za indirektno – neizravno oporezivanje Banja Luka, broj:04/1-17-1-35-415-5/11, dana 25.07.2011. godine - ovjerena kopija,
- Uvjerjenje o poreskoj registraciji izdato od strane Kantonalnog poreznog ureda u Tuzli dana 17.10.2011. godina – ovjerena kopija,
- Kopija katastarskog plana, UR BROJ: 05-26-365/2023-3 od 19.05.2023. godine izdata od strane Službe za urbanizam, geodetske i imovinsko pravne poslove općine Banovići – kopija,
- Zemljišno knjižni izvadak, katastarska općina Željova, Broj: 127- 0 –NAR -23-000 850 zemljinoknjižni uložak broj:18 izdat od strane Općinskog suda u Banovićima 22.05.2023. godina – kopija,
- Punomoć zastupnika podnosioca zahtjeva od 24.07.2023. godine,
- Ugovor o koncesiji, broj:03/1-18-32841/10 od 08.08.2012. godine potpisan sa Ministarstvom industrije, energije i rudarstva Tuzlanskog Kantona - ovjerena kopija,
- Rješenje za eksploataciju industrijske mineralne sirovine dolerit dijabaza unutar granica eksploatacionog polja „Ribnica“ na području opštine Banovići, broj:03/1-18-24978/10 od 03.11.2010. godine izdato od strane Ministarstva industrije, energije i rudarstva Tuzlanskog Kantona - ovjerena kopija,
- Rješenje o izvodjenju radova na osnovu II Dopunskog rudarskog projekta eksploatacije kamena dijabaza na kamenolomu „Ribnica“ broj:03/1-18-032846/10; dana: 21.09.2012. godina izdata od strane Ministarstva industrije, energije i rudarstva Tuzlanskog Kantona - kopija,
- Rješenje o vodnoj dozvoli, broj: UP-I/25-3-40-212-6/19 od 25.06.2019 godine izdato od strane Agencije za vodno područje rijeke Save“ Sarajevo - ovjerena kopija,
- Detaljan dinamički plan aktivnosti (realizacija svih aktivnosti na terenu) - Kamenolom „Ribnica“ kod Banovića sa foto dokumentacijom,
- Rješenje o vodnoj dozvoli, broj: 04/1-13-21-25539/22 od 27.09.2022.godina izdato od strane Ministarstva poljoprivrede, šumarstva i vodoprivrede Tuzlanskog Kantona - ovjerena kopija,
- Program obavljanja monitoringa i Izvještaje (pojedinačne i zbirne godišnje) o ispitivanju i ocjeni kvaliteta otpadnih voda urađen od strane Institut za hemijsko inženjerstvo Tuzla, april 2013. godine,
- Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za Plantrans – dijabaz d.o.o Banovići, urađeni od strane Institut za hemijsko inženjerstvo Tuzla, januar 2023. godine,
- Rješenje o okolinskoj dozvoli, broj: UPI 05/2-02-19-5-127/MK od 16.06.2021. godine izdato od strane Federalnog ministarstva okoliša i turizma – ovjerena kopija,
- Rješenje o urbanističkoj saglasnosti, broj: UPI/03-23-2-144/10 od 09.09.2010. godine izdato od strane Ministarstva prostornog uređenja Federacije BiH - ovjerena kopija,
- Ugovor potpisan sa „Kemeko-BH “ d.o.o Lukavac, broj:576-01/22 od 28.07.2022. godine sa pratećim transportnim listom br. 731-04/23 od 30.06.2023. godine – kopije,
- Ugovor potpisan sa „Kemokop“ d.o.o Tuzla, broj:19/23 od 09.06.2023. godine sa transportnom dokumentacijom za otpad br. 044/23 – kopije,
- Odgovor na zahtjev izdat od strane JP „Komunalac “ d.o.o. Banovići, broj:419-1-07/04 od 29.03.2007. godine – kopija,
- Odgovor na zahtjev izdat od strane JP „Vodovod i kanalizacija“ d.o.o Banovići; broj 07-186-1/13 od dana: 13.03.2013. godine – kopija,
- Odgovor na zahtjev izdat od strane JP „Vodovod i kanalizacija“ d.o.o Banovići, broj 07-762-2/19 od dana: 19.09.2019. godine – kopija,
- Ugovor o pružanju usluga sklopljen sa JP „Vodovod i kanalizacija“ d.o.o Banovići, broj 07-216-1/19 od 15.03.2023. godine – ovjerena kopija,

- Ugovor o pružanju usluga sklopljen sa JP „Vodovod i kanalizacija“ d.o.o Banovići; broj 07-215-1/19 od dana: 15.03.2023. godine ovjerena kopija,

B. Tehnička dokumentacija:

- Projekat izvedenog stanja- Glavni – izvedeno stanje – vanjske hidroinstalacije, snabdjevanje vodom, prikupljanje i tretman tehnoloških (industrijskih) otpadnih voda, oborinskih voda, i fekalnih voda urađen od strane „IBIS“ d.o.o. Zavidovići; broj: 34-IB--G/20; dana: VI/2020. godina,

- Opći akt o održavanju, korištenju i osmatranju vodnog objekta i postupanju u slučaju kvara ili havarije od 05.11.2015.godine, Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru kamenoloma Ribnica i tom prilikom sačinjen Zapisnik o izvršenom uviđaju broj: UP-1/21-3-40-324-2/23 od 25.09.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće: U skladu sa zahtjevima iz Rješenja o vodnoj dozvoli koje je izdato pod uslovima a u skladu sa Dinamičkim planom ulaganja, broj:21/19 od 11.06.2019. godine, a u skladu sa članom 13. stav (6), (7) (8) i (9) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 101/15, 1/16 i 101/18) u proteklom periodu pravno lice je trebalo da realizuju aktivnosti na vanjskom uređenju prikupljanja, tretmana i ispuštanja tehnoloških otpadnih voda i oborinskih onečišćenih voda sa prostora površinskog kopa-kamenoloma „Ribnica“, općina Banovići.

Pravno lice „Plantrans dijabaz“ d.o.o. Banovići je u skladu sa uslovom iz tačaka:

3.3.1. Izgradio je sistem za sanitarnu i tehnološku mrežu, tj. izgradio vodomjerno okno od MB 30 sa LŽ poklopcem i ostalom neophodnom opremom za potrebe smještaja vodomjerne garniture za sanitarne potrebe, ugradio je vodovodne cijevi, holender slavine i pripadajuće ventile za svaku slavinu, za potrebe pranja mehanizacije i transportnih sredstava te za ostale potrebe.

3.3.2. Izgradio je sistem za prikupljanje oborinskih otpadnih voda s kamenoloma, tj. „taložnika 2“ dimenzija cca 11,0mx3,0m za potrebe prihvatanja oborinskih voda sa otkopnih etaža i prostora separacije mineralne sirovine. Izgrađen je od betona MB 30 sa armiranjem mrežama +- Q335 uz ojačanja sa RA fi 12 mm/15 cm na uglovima. Dužina prihvatnih drenažnih kanala ka „taložniku 2“ iznosi cca 330 m. Vode iz taložnika se preko preliva disponiraju ka Velikoj Ribnici.

3.3.3. Izgradio je novi „taložnik 1“ dimenzija cca 3,5x2,0 m za potrebe prihvatanja otpadnih voda od betonskog platoa izgrađenog od vodonepropusnog betona MB 30 sa armiranjem mrežama +- Q335 uz ojačanja sa RA fi 10 mm/15 cm na uglovima, prema projektu.

3.3.4. Izgradio je sistem za prikupljanje, transport, tretman zauljenih otpadnih voda, ugradio je separatora ulja $Q_s=5,0$ l/s. Izgradio je kanale širine 25 cm sa rešetkom kojim se prikupljaju zauljene vode od platoa.

3.3.5. Plato na kojem se vrši pranje mehanizacije, tankovanje goriva, popravka mehanizacije je dimenzija cca 4,0x3,0 m. Plato je betoniran sa MB 30 u sloju $d=10$ cm uz podlogu od drobljenog materijala $d=30$ cm sa armaturom. Vode sa betoniranog platoa se putem kanala odvođe do taložnika 1 te dalje do separatora ulja i masti. Nakon tretmana zauljene vode na taložniku i separatoru ulja i masti voda se preko monitoring okna upušta u recipijent Veliku Ribnicu.

- Skladište ulja, masti i sl. u slučaju havarije povezan je sa kanalom zauljenih voda te sa taložnikom i separatorom ulja i masti.

- Dizel gorivi se lageruje u nadzemnij dvoplašnoj cisterni zapremine $V= 12000$ l. Istakanje giriva se vrši na betoniranom platou.

- Rezultati monitoringa tj. kvantitativnih i kvalitativnih karakteristika efluenta iz mjeseca januara i aprila 2023. godine urađeni od strane Institut za hemijsko inženjerstvo Tuzla ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Plantrans dijabaz“ d.o.o. Banovići ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na prostoru površinskog kopa – kamenoloma „Ribnica“, općina Banovići, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-324-3/23 od 26.09.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B-1 obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „Plantrans dijabaz“ d.o.o. Banovići
- Božićka Banovića br 20, 75290 Banovići, (kao u prilogu),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava